



Broj: A-III-49/22-IX
Sarajevo, 13.01.2023. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj 20/02, 22/02 i 30/08), člana 70., 72. stav (3) tačka f), 88., 89. i 98. stav (5) Zakona o javnim nabavkama („Službeni glasnik BiH”, broj 39/14) – u daljem tekstu: ZJN, člana 6., 37. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/19 od 26.07.2019. godine, Glavna kantonalna tužiteljica donosi:

O D L U K U

odluka o dodjeli ugovora drugorangiranom ponuđaču za nabavku usluga „Kolektivno osiguranje uposlenika Kantonalnog tužilaštva Kantona Sarajevo”

I

Po dostavljenom Ugovoru o pružanju usluge kolektivnog osiguranja uposlenika Kantonalnog tužilaštva Kantona Sarajevo, broj: A-III-49/22-VII od 23.12.2022. godine na potpis najpovoljnijem ponuđaču **„ASA OSIGURANJE” d.d. Sarajevo, ul. Trg Međunarodnog prijateljstva 25, Sarajevo** na potpis, najpovoljniji ponuđač dana 13.01.2023. godine obavještava ugovorni organ putem e-maila dopisom od 09.01.2023. godine da odustaje od dodijeljenog mu ugovora, te da ne želi potpisati dostavljeni mu ugovor. U skladu sa članom 72. stav (3) tačka f), dodjeljuje se gore pomenuti ugovor drugorangiranom ponuđaču **„ADRIATIC OSIGURANJE” d.d. Sarajevo, Trg međunarodnog prijateljstva 20, 71000 Sarajevo**, prema ponudi broj: 185/22 od 29.11.2022. godine, s ukupnom cijenom u iznosu od **11.750,40 KM bez PDV-a**.

II

Nakon isteka roka od 10 dana, sa drugorangiranim ponuđačem zaključit će se Ugovor za kalendarsku 2023. godinu, kojim će se regulisati međusobna prava i obaveze vezano za predmetnu nabavku, shodno uslovima navedenim u Tenderskoj dokumentaciji i zakonskim propisima koji regulišu postupak ugovaranja.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) ZJN i člana 37. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/19.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, a istovremeno Odluka o izboru najpovoljnijeg ponuđača i dodjeli ugovora za nabavku usluga „Kolektivno osiguranje uposlenika Kantonalnog tužilaštva Kantona Sarajevo”, broj: A-III-49/22-V od 09.12.2022. godine se stavlja van snage

O b r a z l o ž e n j e

Na osnovu Odluke o pokretanju postupka javne nabavke broj: A-III-49/22 od 14.11.2022. godine i Obavještenja o nabavci broj: 274-7-2-118-3-19/22 od 18.11.2022. godine, objavljenog na Portalu javnih nabavki, pokrenut je postupak javne nabavke usluga: „**Kolektivno osiguranje uposlenika Kantonalnog tužilaštva Kantona Sarajevo**”, procijenjene vrijednosti 9.000,00 KM bez PDV-a, putem Konkurentskog zahtjeva za dostavljanje ponuda. Ugovorni organ je predvidio sklapanje Ugovora na period do jedne (1) godine, i to za period od 01.01.2023. do 31.12.2023. godine

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

Za predmetnu nabavku, tekst tenderske dokumentacije Konkurentskog zahtjeva ponuđači su mogli preuzeti samo putem Portala javnih nabavki. Ugovorni organ je u skladu sa članom 88. stav (1) ZJN, uputio poziv za preuzimanje tenderske dokumentacije s Portala javnih nabavki na adresu 3 (tri) ponuđača. Zahtjeva za pojašnjenje tenderske dokumentacije nije bilo.

Rok za prijem ponuda bio je 01.12.2022. godine do 10:30 sati. Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-166/20 od 26.02.2020. godine (u daljem tekstu Komisija), je dana 01.12.2022. godine u 10:45 sati, u prostorijama Ugovornog organa izvršila javno otvaranje ponuda i sačinila Zapisnik o otvaranju ponuda, koji je dostavljen svim ponuđačima koji su učestvovali u postupku u zakonskom roku.

Nakon otvaranja ponuda, Komisija je izvršila je pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-49/22–IV od 08.12.2022. godine, koji je sastavni dio ove Odluke, i u kome je konstatovala sljedeće:

U ostavljenom roku, blagovremeno su pristigle četiri (4) ponude.

Pregledom i analizom dostavljene dokumentacije svih ponuđača, Komisija je utvrdila da su sve dostavljene ponude blagovremene, te da su ponude ponuđača „**ASA OSIGURANJE**” d.d. Sarajevo, „**ADRIATIC OSIGURANJE**” d.d. Sarajevo, „**SARAJEVO OSIGURANJE**” d.d. Sarajevo i „**CROATIA OSIGURANJE**” d.d. Mostar prihvatljive prema obliku, sadržaju, potpunosti i sposobnosti obavljanja profesionalne sposobnosti.

Komisija je daljom analizom prihvatljivih ponuda, u pogledu traženih i dostavljenih dokumenta, na osnovu kojih se utvrđuje postoje li razlozi isključenja ponuđača – obavezni uslovi za kvalifikaciju, izvršila uvid u ponude u pogledu zadovoljavanja tehničkih uslova vezanih za predmet nabavke, zahtijevanih u tehničkoj specifikaciji, tačka 2.1. Tenderske dokumentacije Konkurentskog zahtjeva i utvrdila da su sve ponude prihvatljive, odnosno da su iste u skladu sa tehničkom specifikacijom.

Polazeći od gore navedenih konstatacija i činjenice da su sve blagovremeno pristigle ponude prihvatljive za ugovorni organ, s obzirom da ispunjavaju uslove iz tenderske dokumentacije Konkurentskog zahtjeva, Komisija je pristupila vrednovanju prihvatljivih ponuda, shodno utvrđenom kriteriju „**najniža cijena**” tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih ponuda za nabavku usluga „**Kolektivno osiguranje uposlenika Kantonalnog tužilaštva Kantona Sarajevo**”, prije održavanja e-aukcije je sljedeća:

R.B.	Naziv ponuđača	Vrijednost inicijalne ponude bez PDV-a (KM)
1.	„ ASA OSIGURANJE ” d.d. Sarajevo, broj ponude: I-20072/22	8.985,60 KM

2.	"ADRIATIC OSIGURANJE" d.d. Sarajevo, broj ponude: 185/22	11.750,40 KM
3.	"SARAJEVO OSIGURANJE" d.d. Sarajevo, broj ponude: 01-5551/22	12.864,00 KM
4.	"CROATIA OSIGURANJE" d.d. Mostar, broj ponude:30-11-22	15.436,80 KM

Komisija je nastavila sa radom dana 08.12.2022. godine, za kada je E-aukcija zakazana sa početkom u 12:00:00 sati i trajala je do 12:10:00 sati.

Shodno izvještaju o toku i završetku E-aukcije, kreiranog od strane AJN, rang lista prihvatljivih ponuda nakon e-aukcije je:

R.B.	Naziv ponuđača	Vrijednost konačne ponude bez PDV-a (KM)
1.	"ASA OSIGURANJE" d.d. Sarajevo, broj ponude: I-20072/22	8.985,60 KM
2.	"ADRIATIC OSIGURANJE" d.d. Sarajevo, broj ponude: 185/22	11.750,40 KM
3.	"SARAJEVO OSIGURANJE" d.d. Sarajevo, broj ponude: 01-5551/22	12.864,00 KM
4.	"CROATIA OSIGURANJE" d.d. Mostar, broj ponude:30-11-22	15.436,80 KM

Komisija je na osnovu rang liste nakon završene e-aukcije dala preporuku Glavnoj kantonalnoj tužiteljici putem Zapisnika o pregledu i ocjeni ponuda broj: A-III-49/22-IV od 08.12.2022. godine da donese Odluku o izboru najpovoljnijeg ponuđača i dodjeli ugovora za nabavku usluga „Kolektivno osiguranje uposlenika Kantonalnog tužilaštva Kantona Sarajevo” i dodjeli ugovor najpovoljnijem ponuđaču *“ASA OSIGURANJE” d.d. Sarajevo, ul. Trg Međunarodnog prijateljstva 25, Sarajevo, sa cijenom godišnje premije u iznosu od 8.985,60 KM bez PDV-a za 160 uposlenika i prihvaćenim sumama osiguranja, prema zahtijevanim rizicima iz tehničke specifikacije Konkurentskog zahtjeva:*

- Smrt usljed nezgode (nesretnog slučaja) - iznos osigurane sume 55.000,00 KM;
- Smrt usljed bolesti (prirodna smrt) - iznos osigurane sume 7.000,00 KM;
- Trajni invaliditet – iznos osigurane sume 110.000,000 KM;
- Troškovi liječenja – iznos osigurane sume 3.000,00 KM i
- Dnevna naknada za privremenu nesposobnost – iznos osigurane sume 5,00 KM.

Glavna kantonalna tužiteljica je prihvatila preporuku Komisije i dana 09.12.2022. godine donijela gore pomenutu odluku broj: A-III-49/22-V, koju je zajedno sa Zapisnikom o pregledu i ocjeni ponuda broj: A-III-49/22-IV od 08.12.2022. godine i Obavještenjem o ponuđača o ishodu postupka javne nabavke u konkurentskom postupku, broj: A-III-49/22-VI od 12.12.2022. godine, uručena putem kurira svim ponuđačima koji su učestvovali u postupku javne nabavke dana 13.12.2022. godine i 14.12.2022. godine.

S obzirom da je najpovoljniji ponuđač uz svoju ponudu dostavio dokumente iz člana 45. ZJN, koji su bili uslov za zaključivanje ugovora, protekom roka za žalbu, ugovorni organ je dostavio dana 28.12.2022. godine najpovoljnijem ponuđaču Ugovor o pružanju usluge kolektivnog osiguranja uposlenika Kantonalnog tužilaštva Kantona Sarajevo, broj: A-III-49/22-VII. Dana 13.01.2023. godine ugovorni organ zaprima dopis-obavještenje najpovoljnijeg ponuđača ASA OSIGURANJE d.d. Sarajevo, da odbija potpisati dostavljeni mu ugovor. S obzirom da cijena ponude drugorangiranog ponuđača prelazi procijenjenu vrijednost u iznosu od cca 33% i uskladu je sa tržišnim uslovima, ugovorni organ smatra da preraspodjelom može obezbijediti

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba, Web stranica: kt-sarajevo.pravosudje.ba

nedostajuća planirana budžetska sredstva, te da se postupak javne nabavke ne mora poništavati i ugovor se može dodijeliti drugorangiranom ponuđaču. Shodno članu 72. stav (3) tačka f), ugovor se dodijeljuje drugorangiranom ponuđaču „ADRIATIC OSIGURANJE“ d.d. Sarajevo, Trg međunarodnog prijateljstva 20, 71000 Sarajevo, sa ponuđenom cijenom u iznosu od 11.750,40 KM bez PDV-a.

Cijeneći naprijed navedeno, primjenom člana 64. stav (1) tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi Ugovornom organu u roku od 5 (pet) dana od dana prijema Odluke, a u skladu sa članom. 99. i 101. stav (5) ZJN.

Dostavljeno:

- Ponuđači 4x,
- Komisija,
- a/a.

